

Na osnovu člana 24. tačka b) Zakona o internoj reviziji institucija Bosne i Hercegovine ("Službeni glasnik BiH", br. 27/08 i 32/12) i člana 33. i člana 34. stav (8) Programa obuke i certificiranja internih revizora u institucijama Bosne i Hercegovine ("Službeni glasnik BiH", br. 7/15), Centralna harmonizacijska jedinica Ministarstva finansija i trezora Bosne i Hercegovine donosi

ODLUKU
o načinu bodovanja, evidentiranja i izvještavanja o kontinuiranoj
profesionalnoj edukaciji internih revizora u institucijama Bosne i Hercegovine

Član 1.
(Predmet)

Odlukom o načinu bodovanja, evidentiranja i izvještavanja o kontinuiranoj profesionalnoj edukaciji internih revizora u institucijama Bosne i Hercegovine (u daljem tekstu: "Odluka"), u cilju provođenja stava (1) tačka b) i stava (2) člana 5. Zakona o internoj reviziji institucija Bosne i Hercegovine (u daljem tekstu: "Zakon") i odredaba Programa obuke i certificiranja internih revizora u institucijama Bosne i Hercegovine (u daljem tekstu: "Program"), definiše se način bodovanja, evidentiranja i izvještavanja o kontinuiranoj profesionalnoj edukaciji (u daljem tekstu: "KPE") internih revizora u institucijama BiH.

Član 2.
(Primjene odredaba)

Odredbe ove Odluke primjenjuju se na rukovodioce jedinica interne revizije i interne revizore koji vrše funkciju interne revizije u organizacijama na koje se primjenjuje Zakon, a koje su obavezne uspostaviti internu reviziju na način propisan Odlukom o kriterijima za uspostavljanje jedinica interne revizije u institucijama Bosne i Hercegovine ("Službeni glasnik BiH" br. 49/12) i zaposlene u Centralnoj harmonizacijskoj jedinici Ministarstva finansija i trezora BiH (u daljem tekstu: "CHJ") koji rade na poslovima uspostavljanja i razvoja sistema i vršenja funkcije interne revizije u institucijama BiH (u daljem tekstu: "interni revizor").

Član 3.
(Obaveza KPE)

- (1) Interni revizor, kako bi održao nivo svoje stručnosti i kvalitet usluga koje pruža, te iste nastavio razvijati i nadograđivati kroz usvajanje novih znanja, obavezan je kontinuirano se profesionalno educirati u skladu s Programom i ovom Odlukom.
- (2) CHJ će internim revizorima dostaviti informacije o obukama iz oblasti KPE, koje bude organizovala samostalno ili u saradnji s domaćim i/ili međunarodnim pružateljima usluga/izvođačima obuka iz ove oblasti.
- (3) Rukovodilac jedinice interne revizije obavezan je planirati i pripremiti, na osnovu stava (2) člana 11. i tačkama k) i o) člana 15. Zakona, a u skladu s odredbama Programa i ove Odluke, godišnji plan obuke internih revizora u jedinici interne revizije.

- (4) Ispunjavanje obaveze kontinuirane profesionalne edukacije internih revizora vrši se na osnovu obavljene KPE, koja se boduje na način definisan u stavu (2) člana 5. ove Odluke, a iskazuje se zbirno na godišnjem nivou.
- (5) CHJ može, na zahtjev internog revizora, odobriti oslobađanje od obaveze KPE za određeni period ako za to postoji opravdan razlog (porodiljsko odsustvo, duže odsustvo zbog bolovanja, i sl.) o čemu izdaje akt s odgovarajućim obrazloženjem oslobađanja.

Član 4. (Prijavljivanje na obuke)

- (1) Interni revizor, u okviru obavezne KPE, obavezan je prijavljivati se na edukacije i usavršavanja iz oblasti KPE koju organizuje CHJ ili drugi domaći i/ili međunarodni pružatelji usluga/izvođači obuka u cilju unapređenja i usavršavanja svojih znanja i vještina, kao i realizacije planova obuke internih revizora.
- (2) Način prijavljivanja internih revizora na obuke iz KPE uređen je Uputstvom o kontinuiranoj profesionalnoj edukaciji internih revizora u institucijama BiH ("Službeni glasnik BiH", br. 97/15, u daljem tekstu: „Uputstvo“).

Član 5. (Način bodovanja)

- (1) Interni revizor obavezan je, u okviru KPE u toku jedne kalendarske godine, sakupiti minimalno 40 bodova, od čega najmanje 10 bodova treba biti ostvareno po osnovu učešća u događajima koje organizuje, podržava, suorganizuje ili provodi CHJ, a koji su navedeni u stavu (2) ovog člana u tabelarnom pregledu pod rednim brojevima: 2, 6. i 7.
- (2) Način bodovanja svake od vrsta KPE, koje su definisane u čl. 27. i 30. Programa, dat je u sljedećoj tabeli:

R. br.	Vrsta KPE	Predmet bodovanja	Broj bodova	Maksimalan broj bodova u jednoj kalendarskoj godini
1.	Vršenje interne revizije i pilot interne revizije po metodologiji CHJ	Jedan izvještaj	5	10
2.	Vršenje poslova instruktora, mentora i predavača u procesu sticanja zvanja Certificiranog internog revizora u institucijama BiH u skladu s Programom	Jedan modul	5	15
3.	Učešće u izradi i razvoju propisa iz oblasti interne revizije i finansijskog upravljanja i kontrole iz nadležnosti CHJ/Koordinacionog odbora centralnih jedinica za harmonizaciju (u daljem tekstu "KO CJH")	Učešće u izradi jednog propisa	5	10
4.	Sastavljanje periodičnih, <i>ad hoc</i> i godišnjih izvještaja jedinice interne revizije i Godišnjeg konsolidovanog izvještaja interne revizije	Jedan izvještaj	5	10
5.	Učešće u vršenju eksterne provjere kvaliteta rada interne revizije u svojstvu ocjenjivača	Jedna provjera	5	15
6.	Učešće na tematskim sastancima koje organizuje CHJ	Jedan sastanak	5	10
7.	Učešće na obukama koje organizuje CHJ i/ili KO CJH i učešće na obukama koje podržava i suorganizuje CHJ u okviru projekata iz	Jedna obuka – Aktivna KPE	10	20

	oblasti javnih finansija i PIFC-a (<i>Public Internal Financial Control</i>)	Jedna obuka – Pasivna KPE	5	20
8.	Učešće na obukama, konferencijama, seminarima, modulima, radionicama i drugim stručnim skupovima koje organizuju međunarodni i domaći pružatelji usluga/izvođači obuka o temama iz područja i oblasti iz člana 29. Programa	Jedna obuka – Aktivna KPE	10	20
		Jedna obuka – Pasivna KPE	5	20
9.	Učešće na obukama, konferencijama, seminarima, modulima, radionicama i drugim stručnim skupovima koje organizuju strukovna udruženja internih revizora u BiH s kojima CHJ ima potpisane memorandume o saradnji, a koje su u skladu s temama iz područja i oblasti KPE definisanih članom 29. Programa	Jedna obuka – Aktivna KPE	10	20
		Jedna obuka – Pasivna KPE	bodovanje u skladu sa stavom (8) ovog člana	
10.	Formalno stručno usavršavanje u vidu postdiplomskih magistarskih i doktorskih studija	U godini u kojoj je stečeno naučno zvanje	10	10
11.	Objavljivanje stručnih radova i članaka u stručnim časopisima, publikacijama i biltenima	Jedan tekst	5	10
12.	Učešće u studijskim posjetama koje imaju za cilj razmjenu iskustava u vezi s temama iz područja i oblasti iz člana 29. Programa	Jedna studijska posjeta	10	10
13.	Učešće na stručnim međunarodnim i domaćim konferencijama i skupovima vezanim za oblast interne revizije organizovanim od strane domaćih i/ili međunarodnih pružatelja usluga/izvođača obuka	Jedna obuka – Aktivna KPE	10	20
		Jedna obuka – Pasivna KPE	5	20
14.	Praćenje stručne literature i pretplata na stručne časopise	Stručna literatura/ stručni časopis	1	5

- (3) Rukovodilac institucije ili rukovodilac jedinice interne revizije ili interni revizor dostavlja CHJ zahtjev pojedinačno za svaku od obuka, konferencija, seminara, modula, radionica i drugih stručnih skupova koje organizuju domaći i/ili međunarodni pružatelji usluga/izvođači obuka iz stava (2) ovog člana pod rednim br: 8, 9, 12. i 13, zajedno s pratećom dokumentacijom, radi dobijanja mišljenja CHJ o ispunjavanju uslova za bodovanje.
- (4) Dokumentacija iz prethodnog stava, koja se dostavlja uz zahtjev, propisana je Uputstvom.
- (5) Zahtjev za dobijanje mišljenja CHJ o ispunjavanju uslova za bodovanje i prihvatljivosti obuke kao KPE u skladu s ovom Odlukom, treba da se podnosi prije održavanja obuke koja je predmet zahtjeva.
- (6) Zahtjev iz stava (3) ovog člana obavezno treba da sadrži sljedeće podatke:
- podatke o vrsti KPE u skladu s tabelarnim pregledom iz stava (2) ovog člana,
 - podatak o temi edukacije na koju se zahtjev odnosi, uz tačno navođenje teme iz područja i oblasti KPE iz stava (7) ovog člana,
 - podatak da li je riječ o aktivnoj ili pasivnoj kontinuiranoj profesionalnoj edukaciji, u skladu s članom 27. Programa,
 - podatke o periodu i mjestu održavanja obuke i
 - podatke o organizatoru i pružatelju usluge/izvođaču obuke.
- (7) Pod temama iz područja i oblasti definisanih članom 29. Programa, koje su navedene u stavu (2) u tabelarnom pregledu pod rednim brojem 8, 9. i 12, podrazumijevaju se sljedeće teme:

- a) Metodologija vršenja interne revizije podrazumijeva metodologiju odobrenu od KO CJH i/ili CHJ i zasnovanu na standardima interne revizije koji su usklađeni s Međunarodnim standardima interne revizije i prihvaćeni od CHJ (dalje u tekstu: "Standardi interne revizije"),
- b) Propisi o internoj reviziji javnog sektora podrazumijevaju zakonske propise, propise odobrene od KO CJH i/ili CHJ, propise koji se zasnivaju na Standardima interne revizije, te drugim dokumentima izdatim od relevantnih međunarodnih organizacija iz oblasti interne revizije, kao što je Međunarodni okvir profesionalne prakse interne revizije, kao i revizije (Međunarodni standardi vrhovnih revizorskih institucija - ISSAI, Smjernice za dobro upravljanje Međunarodne organizacije vrhovnih revizorskih institucija - INTOSAI GOV i sl),
- c) Planiranje interne revizije podrazumijeva pripremu i izradu strateških planova, godišnjih planova i pojedinačnih planova interne revizije, koji se zasnivaju na Standardima interne revizije, metodologiji i propisima iz oblasti interne revizije u javnom sektoru BiH odobrenim od KO CJH i/ili CHJ,
- d) Vršenje interne revizije podrazumijeva sve aktivnosti/procedure u toku rada interne revizije, što uključuje planiranje na nivou jedinice interne revizije, pripremu i planiranje pojedinačne revizije, utvrđivanje i identificiranje sistema, identificiranje i ocjenu kontrola, testiranje kontrola, ocjenu sistema kroz formulisanje nalaza, stručnog revizorskog mišljenja i preporuka, kao i izvještavanje i praćenje, a koji se baziraju na Standardima interne revizije i metodologiji i/ili propisima iz oblasti interne revizije u javnom sektoru BiH odobrenim od KO CJH i/ili CHJ,
- e) Izvještavanje i izrada godišnjih izvještaja interne revizije u javnom sektoru BiH podrazumijeva modele i načine izvještavanja, kao i pripreme i dostavljanja izvještaja, na način definisan od KO CJH i/ili CHJ i baziran na Standardima interne revizije,
- f) Praćenje realizacije preporuka i revizorski dosjei podrazumijevaju sve aktivnosti/procedure koje se odnose na utvrđivanje aktivnosti iz akcionog plana na realizaciji preporuka i postizanju željenih rezultata, izvještavanje o naknadnom pregledu, vođenje i čuvanje dokumentacije u vezi s revizorskim zadatkom, vrste i strukturu dosijea interne revizije, na način definisan metodologijom i propisima iz oblasti interne revizije u javnom sektoru BiH odobrenim od KO CJH i/ili CHJ i baziran na Standardima interne revizije,
- g) CHJ i njena uloga podrazumijeva obuke koje se odnose na CHJ i njene nadležnosti i aktivnosti,
- h) Trezorski sistem, računovodstvo i finansije javnog sektora podrazumijeva obuke o trezoru, finansijama i računovodstvu, zasnovane na propisima u javnom sektoru BiH i institucijama BiH, kao i podzakonskim propisima, te primjerima dobre prakse Evropske unije i drugih zemalja o ovim temama,
- i) Upravljanje i rukovođenje u javnom sektoru podrazumijeva obuke o upravljanju i rukovođenju, bazirane na propisima kojima je uređena ova oblast u javnom sektoru BiH i institucijama BiH i podzakonskim propisima, kao i upravljanje i rukovođenje u internoj reviziji kako je to regulisano propisima odobrenim od KO CJH i/ili CHJ, te primjerima dobre prakse Evropske unije i drugih zemalja o ovim temama,
- j) Budžetiranje u javnom sektoru podrazumijeva obuke zasnovane na propisima kojima se tretira ova oblast u javnom sektoru BiH i institucijama BiH, kao i podzakonskim propisima, te primjerima dobre prakse Evropske unije i drugih zemalja o ovoj temi,
- k) Finansijsko upravljanje i kontrola podrazumijeva obuke iz oblasti finansijskog upravljanja i kontrole, što uključuje propise kojima je regulisana ova oblast u javnom sektoru BiH i institucijama BiH, kao i podzakonske propise, te metodologiju odobrenu od KO CJH i/ili CHJ ili baziranu na propisima međunarodnih organizacija, kao što su Standardi interne kontrole Evropske komisije, INTOSAI GOV i dr.
- l) COSO model (Integrisani okvir internih kontrola) podrazumijeva obuke bazirane na opšteprihvaćenom međunarodnom modelu za uspostavljanje, unapređenje i procjenu sistema

- internih kontrola, kao i Standardima interne kontrole u institucijama BiH i Zakonu o finansiranju institucija BiH,
- m) Informacione tehnologije i revizija IT-a podrazumijeva obuke iz ove oblasti, što uključuje propise i procedure iz oblasti informacionih tehnologija, te vršenja revizije IT-a koje se zasniva na Standardima interne revizije, metodologiji i propisima iz oblasti interne revizije u javnom sektoru BiH odobrenim od KO CJH i/ili CHJ, kao i primjerima dobre prakse Evropske unije i drugih zemalja o ovoj temi,
 - n) Upravljanje ljudskim resursima podrazumijeva obuke bazirane na propisima koji uređuju ovu oblast u javnom sektoru BiH i institucijama BiH, kao i upravljanje ljudskim resursima interne revizije kako je to regulisano propisima odobrenim od KO CJH i/ili izdatim od CHJ, te primjerima dobre prakse Evropske unije i drugih zemalja o ovoj temi,
 - o) Zakon o upravi, Zakon o državnoj službi u institucijama BiH i Zakon o radu u institucijama BiH podrazumijeva obuke o temama koje su uređene navedenim zakonima,
 - p) Revizija učinka podrazumijeva obuke bazirane na propisima i metodologiji za rad iz ove oblasti u BiH, te propisima i standardima međunarodnih organizacija kao što su Međunarodni standardi vrhovnih revizorskih institucija – ISSAI,
 - r) Javne nabavke i revizija javnih nabavki podrazumijeva obuke bazirane na propisima i procedurama iz oblasti javnih nabavki u BiH, te vršenja revizije javnih nabavki koje se zasniva na Standardima interne revizije, metodologiji i propisima iz oblasti interne revizije u javnom sektoru BiH odobrenim od KO CJH i/ili CHJ, kao i primjerima dobre prakse Evropske unije i drugih zemalja o ovoj temi i
 - s) Fondovi Evropske unije podrazumijeva obuke u vezi s alociranjem, programiranjem i implementacijom finansijske pomoći Evropske unije, izradu potrebnih dokumenata, kao i reviziju fondova Evropske unije u skladu s propisima odobrenim od KO CJH i/ili CHJ, te primjerima dobre prakse Evropske unije i drugih zemalja o ovoj temi.
- (8) Jedan sat edukacije internog revizora evidentiran kod strukovnih udruženja s kojima CHJ ima zaključen memorandum o saradnji priznavaće se kao jedan bod KPE, u skladu s ovom Odlukom.
- (9) Za obuke koje organizuje CHJ i/ili KO CJH, CHJ je obavezna obavijestiti jedinice interne revizije ili interne revizore institucija BiH, a u pozivu za obuku ili u potvrdi o prisustvu obuci potrebno je da bude definisan broj bodova KPE koje ta obuka nosi i za takve obuke interni revizori ne trebaju podnositi zahtjeve o priznavanju KPE.

Član 6. (Evidencija i izvještavanje)

- (1) Rukovodilac jedinice interne revizije obavezan je, u skladu s članom 31. Programa, voditi evidenciju o KPE za jedinicu interne revizije i to pojedinačno za svakog internog revizora u jedinici interne revizije, kako je to definisano članom 5. ove Odluke, i CHJ dostavljati izvještaj o KPE internih revizora u jedinici interne revizije.
- (2) CHJ može, radi dobijanja potrebnih informacija o održanim KPE, stupiti u kontakt s domaćim i/ili međunarodnim pružateljima usluga/izvođačima obuka koje organizuju pojedine vrste kontinuiranog usavršavanja, navedenim u članu 30. Programa i članu 5. Odluke.
- (3) CHJ je Uputstvom, u skladu s Programom i ovom Odlukom, uredila način evidentiranja i izvještavanja o kontinuiranoj profesionalnoj edukaciji internih revizora u institucijama BiH.

Član 7.

(Domaći i/ili međunarodni pružatelji usluga/izvođači obuka KPE)

- (1) Domaći i međunarodni pružatelji usluga/izvođači obuka KPE mogu biti institucije/organizacije definisane u stavu (2) i (3) ovog člana.
- (2) Pod domaćim pružateljima usluga/izvođačima obuka KPE podrazumijevaju se institucije i/ili organizacije sa sjedištem u BiH i to:
 - Udruženja internih revizora s kojima CHJ ima potpisan memorandum o saradnji,
 - Strukovna udruženja internih revizora javnog sektora u BiH,
 - Agencija za državnu službu BiH u skladu s članom 8. ove Odluke,
 - Centralna harmonizacijska jedinica Ministarstva finansija i trezora BiH,
 - Koordinacioni odbor centralnih jedinica za harmonizaciju,
 - Entitetske centralne harmonizacijske jedinice,
 - Ministarstvo finansija i trezora BiH,
 - Entitetska ministarstva finansija,
 - Direkcija za evropske integracije BiH,
 - Agencija za javne nabavke BiH,
 - Ured za reviziju institucija BiH,
 - Entitetski savezi računovođa i revizora,
 - Udruženja/institucije specijalizirane za oblast revizije i računovodstva koje imaju dugogodišnje iskustvo u ovoj oblasti, što podrazumijeva višegodišnje stručno osposobljavanje i obrazovanje kadrova putem obuka, savjetovanja, uz izdavanje stručnih publikacija (časopisa, priručnika, knjiga, obrazaca i sl),
 - Organizacije, institucije i kompanije specijalizovane za informacione tehnologije i reviziju IT-a, s višegodišnjim iskustvom i dobrom reputacijom u ovoj oblasti, što podrazumijeva višegodišnje stručno osposobljavanje i obrazovanje kadrova putem obuka u ovoj oblasti,
 - Konsultantske kuće, instituti i druge organizacije u okviru projekata iz oblasti javnih finansija u okviru PIFC-a koje organizuje ili podržava CHJ ili KO CJH.
- (3) Pod međunarodnim pružateljima usluga/izvođačima obuka KPE podrazumijevaju se međunarodne, regionalne i strane institucije i/ili organizacije sa sjedištem izvan BiH i to:
 - Međunarodni institut internih revizora (*The Institute of Internal Auditors*),
 - Strukovna udruženja internih revizora javnog sektora,
 - Ministarstva finansija,
 - Centralne harmonizacijske jedinice,
 - Svjetska banka i programi Svjetske banke u oblasti interne revizije i finansijskog upravljanja i kontrole u javnom sektoru, kao što su: PEM PAL; SAFE, IA ToT i dr,
 - Evropska unija ili Evropska komisija u okviru programa pomoći BiH,
 - Vlade država koje na bilateralnoj osnovi pružaju pomoć BiH,
 - Međunarodni monetarni fond,
 - Međunarodna banka za obnovu i razvoj,
 - SIGMA (*Support for Improvement in Governance and Management*), USAID (*United States Agency for International Development*), SIDA (*Swedish International Development Cooperation Agency*) i slične organizacije,
 - Međunarodni, regionalni i/ili inostrani instituti, centri ili druge organizacije, osnovane ili podržane od vlade države u kojima im se nalazi sjedište, koje se bave obukom u oblasti interne revizije i

finansijskog upravljanja i kontrole u javnom sektoru, kao što su: *Joint Viena Institute*, *Center of Excellence in Finance*, Regionalna škola za javnu upravu (ReSPA) i dr,

- Međunarodni, regionalni i/ili inostrani instituti, centri ili druge organizacije, osnovane ili podržane od vlade države u kojima im se nalazi sjedište, koje se bave obukom u oblasti revizije, računovodstva i finansija,
 - Konsultantske kuće koje provode obuke u okviru projekata Evropske unije, finansijske i druge vrste pomoći država ili međunarodnih organizacija, sporazuma o saradnji i dr, sa iskustvom u oblasti interne revizije i finansijskog upravljanja i kontrole u javnom sektoru.
- (4) Predavači na obukama koje organizuje ili podržava CHJ mogu biti osobe koja ispunjavaju kriterije navedene u članu 12. Programa.

Član 8.

(Obuke Agencije za državnu službu BiH)

- (1) Obuke koje organizuje Agencija za državnu službu BiH, kao KPE internih revizora u institucijama BiH, priznaće se vrste obuke utvrđene kao stručno usavršavanje u skladu s članom 10. stav (1) tačka b), iz kategorije specijalističkih obuka, u skladu sa stavom (2) tačka d) istog člana Odluke o načinu provođenja obuke državnih službenika u institucijama Bosne i Hercegovine ("Službeni glasnik BiH" br. 15/17), a koje su u skladu s temama iz područja i oblasti iz člana 29. Programa.
- (2) Način izvođenja obuka iz stava (1) ovog člana je u učionici uz odgovarajuće prezentacije.
- (3) Broj bodova po osnovu navedenih obuka utvrđuje se u skladu s članom 5. ove Odluke.
- (4) Obuke koje se odnose na obavezno osposobljavanje državnih službenika, utvrđene članom 10. stav (1) tačke a) i c) Odluke o načinu provođenja obuke državnih službenika u institucijama Bosne i Hercegovine, ne mogu se priznati kao KPE internih revizora u institucijama Bosne i Hercegovine.

Član 9.

(Prestanak važenja dosadašnje Odluke)

Stupanjem na snagu ove Odluke prestaje važiti Odluka o načinu bodovanja, evidentiranja i izvještavanja o kontinuiranoj profesionalnoj edukaciji internih revizora u institucijama Bosne i Hercegovine, objavljena u "Službenom glasniku BiH" br. 92/15.

Član 10.

(Stupanje na snagu)

- (1) Ova Odluka stupa na snagu osmog dana od dana objavljivanja u "Službenom glasniku BiH".
- (2) Odluka će biti objavljena i na web stranici Centralne harmonizacijske jedinice Ministarstva finansija i trezora BiH: www.mft.gov.ba.

Broj: 02-1-02-4-251-1/17
Sarajevo, 15.06.2017. godine

Direktor
Centralne harmonizacijske jedinice
Ministarstva finansija i trezora BiH
Ranko Šakota, s.r.